

诗 · 词

一九二六年～一九三五年

咏 蜂

——步罗隐诗原韵

一九二六年

踏遍溪山十二尖，
艰难生计不须占。
世间多少伤心客，
何惜捐输一滴甜？

余在中学读书时，父鸥予出题《读罗隐咏蜂七绝有感》，爰步罗隐原韵和诗一首。

附：

罗隐《咏蜂》

不论平地与山尖，
无限风光尽被占。
采得百花成蜜后，
不知辛苦为谁甜？

别 家

一九二九年秋

空林方落照，
残色染寒枝。
血泪斑斑湿，
杜鹃夜夜啼。
家山何郁郁，
白日亦凄凄。
忽动壮游志，
昂头天柱低！

书 城

一九三〇年

两间憔悴一儒生，
长对青灯亦可惊。
不卜文章流海内，
莫教诗酒误虚名。
得侔前辈追真意，
便是今生入世诚。
白眼何妨看俗伦，
幽怀默默寄书城。

狱 中 诗（五首）

一九三三年

其 一

去矣勿彷徨，
人生几战场？
廿年浮沧海，
正气寄玄黄。
征侣应无恙，
新猷倘可长！
大千泉壤绝，
一土死何妨！

其 二

转狱今二度，
丹心永不磨。
孤灯看瘦影，
短梦断南柯。
血迹殷半壁，

雷声动一阿。
铁窗风雨急，
引吭且狂歌。

其 三

大地沉沉寂，
人间莽莽迷。
薄眠当作垫，
恶食粥如泥。
窸窣风翻转，
琅琅月向低。
惊心危坐处：
天外叫荒鸡。

其 四

囚奴期破晓，
狱卒守残更。
碧海终填尽，
黄河必涤清。
今朝穷插棘，
来日矢披荆。
万众摧枯朽，
神州定铲平！

其 五

狴犴梦苏州，
今愁叠古愁。
悬门张怒目，
铸剑取仇头。
欹枕秋声战，
窥窗曙色浮。
五湖波万顷，
肯上范蠡舟！

自题《南冠草》^①

一九三三年

世上春光几度红，
流泉地下听鸣虫。
血花照眼心生石，
磷火窥魂梦自空。
生死浮云浑一笑，
人天义恨两无穷。
收来病骨归闽苑，
莫对清江看冷枫。

编者注：

^①邓拓的狱中诗，自编成集，名《南冠草》，未出版。

出 狱

一九三三年秋

放声一曲大江东，
千古风云人望中。
有限朋交嗟宿草，
无多骨肉怅飘蓬。
只身天地余残泪，
一眼河山尽断魂。
莫道群生都懵懵，
明朝四野又烟烽。

客 居 上 海

一九三四年秋

分袂申江次，
离怀怅共倾。
知交贫里见，
危局乱中明。
星火迎前路，
风波勉此生。
相期他日会，
万里怒涛声。

开封寄李公绰

一九三五年春

天未惊飙起，
中州客梦寒。
心潮奔日夜，
剑魄隐风湍。
大野云龙啸，
高空白鹤盘。
何时追逝景，
奋翅越重山！

一九三七年～一九四九年

寄 语 故 园

一九三七年九月

四年执笔复从戎，
不为虚名不为功。
独念万众梯航苦，
欲看九州坦荡同。
梦里关河闻唳鹤，
兵间身世寄飘蓬。
寄语故园双老道，
征蹄南北又西东。

写于河北省束鹿前线。

晋察冀军区成立志感

一九三八年十一月七月

血肉冰霜不计年，
五台烽火太行烟。
战歌匝地三军角；
卫垒连珠万里天。
北岳扬旌胡马怯；
边疆复土祖鞭先。
阵云翻向龙江日，
响彻河山唱凯旋。

记 田 其 昌^①

一九三八年十一月

撒下文场上战场，
国仇不灭不还乡。
短兵杀敌伤何憾？
病榻磨枪梦不忘！
志士英风同辈范；
柏兰壮迹口碑长。
寄言燕晋年青侶，
报国今朝仗武装。

作者注：

田其昌同志乃晋察冀抗日军政学校学生，参加柏兰镇战斗负伤，壮迹传遍边区。

吊 栓 牛^①

一九三八年十一月

献身家国出田间，
杀敌心雄起揭竿。
奔走危疆嗟枉死，
激昂斗志历如山。
一夫但得擎长剑，
片息宁教活丑犴！
知汝重泉犹切齿，
未寒热血骨先寒！

作者注：

栓牛同志乃灵寿县农民积极分子，不幸为地主阶级所暗害。

勸报社诸同志

一九三八年十二月

笔阵开边塞，
长年钩剪风。
启明星在望，
抗敌气如虹。
发奋挥毛剑，
奔腾起万雄。
文旗随战鼓，
浩荡入关东！